

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

Ո Ր Ո Շ ՈՒ Մ

Վարչական գործի վարույթը կանեցնելու մասին

30 նոյեմբերի 2020թ.

ք.Գյումրի

ՀՀ ՊԵԿ Հյուսիսային մաքսատուն-վարչության պետի ժ/պ Նարեկ Գևորգյանս, քննելով Արմինե Մարտիրոսյանի (անձնագիր՝ AH0857346) կողմից մաքսային կանոնների խախտում կատարելու վերաբերյալ նյութերը.

Պ Ա Ր Զ Ե Ց Ի

Արմինե Մարտիրոսյանը 24.10.2020 թվականի թիվ 05100033/241020/0042444 տարանցման հայտարարագրով Բագրատաշենի մաքսային կետ-բաժին անցակետով ՀՀ տարածք ներմուծել MERCEDES մակնիշի, WDDNG86X88A179601 նույնականացման համարով տրանսպորտային միջոց, որի նշանակման մաքսային մարմին՝ Հյուսիսային մաքսատուն-վարչություն հասցնելու վերջնաժամկետը 03.11.2020 թվականն էր:

Մաքսային հսկողության ներքո գտնվող տրանսպորտային միջոցը և ուղեկցող փաստաթղթերը Հայաստանի Հանրապետության մեկ մաքսային մարմնից մյուս մաքսային մարմին սահմանված ժամկետում չեն հասցվել:

Դեպքի կապակցությամբ 05.11.2020 թվականին Արմինե Մարտիրոսյանի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 195-րդ հոդվածի հատկանիշներով:

ՀՀ ՊԵԿ Հետաքննության և ՕՀ վարչության վարչության 17.11.2020թ. թիվ Ն/14-22/184667-2020 գրության համաձայն՝ Արմինե Մարտիրոսյանի անվամբ ՀՀ տարածք ավտոմեքենա ներմուծելիս մաքսային մարմին կեղծ փաստաթղթեր ներկայացնելու վերաբերյալ ստացված հաղորդման հիման վրա ՀՀ ՊԵԿ Հետաքննության և ՕՀ վարչության 22-րդ բաժնի կողմից ՀՀ քրեական օրենսգրքի 325-րդ հոդվածի 1-ին մասի հատկանիշներով նախապատրաստված նյութերով 07.11.2020թ.-ին հարուցվել է թիվ 83851520 քրեական գործը և ըստ ենթակայության ուղարկվել է ՀՀ քննչական կոմիտեի Տավուշի մարզային քննչական վարչություն:

Հիմք ընդունելով այն հանգամանքը, որ 07.11.2020թ. հարուցվել է թիվ 83851520 քրեական գործը և անհնարին է տվյալ վարույթի արդյունքում ակնկալվող վարչական ակտի ընդունումը մինչև սահմանադրական, վարչական, քաղաքացիական կամ քրեական դատավարության կարգով քննվող գործով որոշում (դատական ակտ) կայացնելը և ղեկավարվելով <<Վարչարարության հիմունքների և վարչական վարույթի մասին>> ՀՀ օրենքի 49 հոդվածի 1 մասի <1> կետով՝

Ո Ր Ո Շ Ե Ց Ի

1. Արմինե Մարտիրոսյանի նկատմամբ հարուցված վարչական վարույթը կասեցնել՝ մինչև կասեցման հիմք հանդիսացող հանգամանքների վերանալը:

ՀՅՈՒՄԻՍԱՅԻՆ

ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏԻ Ժ/Պ

Ն.ԳԵՎՈՐԳՅԱՆ

